

印

竹

杖

自弁

言心聲也。夫人知之。作者優孟
衣冠。謂叔敖在是。將無形似爲
皮鞢乎。筋節骨腦。不麗甚矣。余
思苦亡定。駢拇附指。時引疣氣。
又曰。危苦之詞。易工。黃華雙腕。

一時竝書絳樹一喉能歌兩曲。
夫非盡人乎哉。安在危苦之偏。
足性情也。是卷逐景悲涼樂事。
日少。蠶鹽昕夕中。不作陶家甕。
底鳴。蠶蠅色日十二變。徵調商。
絃憂逸隨之。異日者。登歌下舞。

朱鷺白狼。寧非此踰縻數點汁。
橐胚耶。諺曰。染茜工績。羽畎爲
貝。魏文帝詔。三世長者知飲食。
學而後能。性而後近。苟乎哉。吉
水施男。

叩竹杖

目次

擬陶

呂墳

覆舟

盧子占

五雲

雪

危忍

讀史

河祗脯

甲午元日

註詩

饋粟

王抑菴

花石潭

李易安

瀧江口

平園

歸篋

米南宮

唱渭城

晤非晦

呂元膺

江南柳辯

劉子羽

春郊

東樊石桐

驥馬啖

墨嘲

別墅

十羽銓

詩社文獻

紀事

禹港五日

蟹蘆圖

寄楊弱生

家求叔

翠巖語錄

別徐巨源

匏羅翊辰

三十二韻

嶺西家書

叩竹杖

吉水施男偉長著

新建徐世溥巨源閱

擬陶

郭修吉初判建寧再守新興篤行淹雅無折腰
氣謂余陶詩孤懷澹宕對之使人促厲不萌矜
踔可蠲從未易擬猶不便律近日斧痕鑿跡風
骨斲殘腥穢極矣此語殊洞精耐人思然憇修

吉田居七昕夕。素烟晚帶白露晨縈。落葉半床。
寒花滿屋。不自慚澀。載效東輦。寧顧其見而唾
也。隴頭雲還在。江流何所依。行行陌上望。秋色
上葛稀。黃花堅老性。稚子顧何微。鄰父多濁醪。
薄言邀我歸。懷開鷓鴣滿。泉深鯉魚肥。渺焉思
古今。寧問是與非。且種南山秫。看此斜落暉。九
月十七日。

呂墳

癸巳陽月大丘吉侯擢民部郎將鼓棹念其枌
榆先賢宋參知政事呂公瘞骨信豐之南山陟
岡展弔禮也按呂諱大防藍田人以修神宗實
錄直書時事忤章惇謫嶺表抵虔而道卒權厝
茲土歸然一抔壤山童草枯輒薄不及寸許風
日澹黯憑弔鬱陶而吉侯奉爵峩峩桃紳士虔
供翼翼群賓從咸秩亡怠五百年已頽之荒魂

而人心感奮若此。豈非權略智計之事。驅風雷而不足。忠孝至性。菽粟水火。亘千百世而彌光。耶。吁。可興已。時同人宋賡尹朝聘。盧右卿先覺。楊非儔以旦。徐三連。礪熊叔剡。僕而不佞。男爲之記。十九日。

覆舟

臍月初九日庚午發桃江烟厖屋艇寒風衰颯
窮窗啓眺荒樹平堤枝刊枿剪崩厓斷續處烏
舅老梅放葩吐實兔絲繁繚嫣然如雨中素馨
臨檻當砌楊弱生出追和坡公尖叉韻雪詩對
哦逸絃孤筴濯魄湧魂稍那西洲匡山釋冰壑
復餉以葛更製近體一章潤行潔瘠清腴視閉
門僵卧之袁安差爲色壯日下春棹菱角灘遠

望石浮黑橫波如箭筈如蹲猊浪跳激處霰怒
霆搏篙尖飲石鱗屹立矣黃頭方蹕足失勢舟
鰻圻濺注衣袂襍被漂視舷等藉漁舫疾趨得
免計鯨海崎嶇萬鏃叫吼牢牲腊人一葉鳧貼
飽坐經年谿潢衣帶水篋無長物而馮夷癡妒
若此豈安固撓之造物固以是爲盈耶此等清
福迨未易消受也系之以古嚴雲迴四角烟灌
平如掌衾鐵坐未成支篷恣愜悅寒花遶峽開

玄文披對爽。含凄萬里人。睠此殊駘蕩。生薄水。
不肥。何貪動象罔。廉利迫隅穿。一壺急誰享。燎
衣還信疑。令德須崇獎。載石與圖書。終爲近名。
想。水壑詩。附載于左。關河寒色動。淒清又聽輕。
帆計日征。思屬雲山原有隔。人隨霜霰得無驚。
東山娛豈留安石。上國才難重士衡。試看桃花
江上水。何如此際送君情。

盧子占

章貢南枕崇岡北。滙群流。盧子占郡僑。肸也。丙戌之役。虎落鹿角。長圍如塹。五閱月。城下矣。子占辦香加鞢。置酒荷池。初醺。沈書畫珍玩。再醺。僮僮婢妾。繼之妻孥。比浮而營。偕戚好。指綴而逝。闔門淪胥。從容致命。典卹者曾無一字之褒。文忠忠襄。恩丐情乞。捷若承蜩。持此以往。泉路茫茫。將無不甲第殿最。鬼而弗恫。其歆之矣。爰

酌水陳藻詩以弔之。十二日晚風吹霾立。夜火
生寒角。高幢坐嘯肥。市鼓等壺涿。羊馬裂南隅。
挾背蜂豺剝。伊人循髮噍。歡伯吐澆潏。扃戶習
屈沈。所遺靡孚穀。裙屐少年兒。媚鬼兢鼠璞。天
言亦售欺。蒔蘭不剪畧。含璧錮重泉。玉折幾茵
朔。我來日頽斜。沱藻薦江榷。愁上鬱孤臺。陰森
同卓犖。子占名觀象。

五雲

五雲本魚梁地。南唐建置屬萬安。芙蓉削青章。
貢浮黛。旗亭梵宇。卜構稱良。重以家舫。鄉嫫人。
擅麴釀。結廬斯境。率焉休鬯。余以癸未冬。誅茅。
黃洞。未三載。輟輶衝車。傳城而炬。百里棲被蕩。
如矣。倘所謂水流南位。讖犯朱雀。當屠乎。十載。
戎軒。孤藤再眺。思今追曩。能不悲涼。六絕紀之。
黃塘洞。冰柱縱橫跨海蜺。結茅曾傍小天西。馳。

烟不復勞仙使。武槩灘頭路已迷。青蓮山。峩峩
桀閣枕溪山。綠雨池邊屬玉閒。往事依稀誰記
取。櫻櫚亡恙水潺潺。惶恐灘。輕篙艇子急如瀧。
指顧橈停石影厖。朱雀識垂流幾許。劫灰三百
又聞雙巢潭。碧油如靛儘鋪流。月色松聲自帶
秋。賸有堯兒支閣語。無情偃曝弄稍柔。雲洲舊
社詩豪此結壇。風生顧渚數河漫。臺基剩得梅
椿在。開向前春又雪殘。友鳬齋。風雨無端笑瘁

瘖澆書夢醒一燈孤。平明怕向西州去。腸斷山
陽負酒壚。十五日丙子。

雪

十七日雪。瀟漫浩行。鵬鷺失群。篷窗篙尖。壓堅。
傳響。是日飲劉尊而叁。霑醉矣。成八韻。萬壑攪。
喧聲。西塞還織。罽坐起看雲。阡廓落亡纖。蒂霜。
淞歌齊兒。饑蝗委羽逝。袒褐苦不完。訪客鹿柴。
閉公子清。且閒緇冠雙翹曳。開尊數梅花。錯縷。
紛銀細。觥怒凍方嚴。索簷盈尺砌。邊隅枕戈誰。
悲風忍迢遞。

危忍

溫韜少亡賴，拳人幾死。市豪縛送司敗，韜懼，跪拜數百，獲免。旣貴，治金搭膝，加膝曰：「以此相酬。」英雄失路，託足亡門，何地而非侮鄉？石勒朕旣飽卿老拳，卿亦遭孤毒手。韜與勒均奴才也。王孫胯下，差強人意，而禍中牝雉，殆矣。爲拈二絕。當年忍恥爲分茅，躡足粗成已覆巢。抵死祇傳齊虜語，山陽想乏布衣交。罷侯就第亦深恩，反

叩竹杖

卷之九

留髡堂

覆繇來禍不根。知得王孫能忍事。却佯揮淚斬
宮門。廿日辛卯。

讀史

蘇叔黨讀南史東坡卧聽之語叔黨曰王僧虔居建康禁中里馬糞巷子孫質實謙和時人稱馬糞諸王爲長者東漢贊論李固云觀胡廣趙戒如糞土之穢一經僧虔便爲佳號而以此胡趙則糞有時而不幸此老真開盲空青語亦婉折和碩千古讀書之鍼頂透節者今士大夫油碧青踪妖童韶女棋枰麴蘖換却雙眸廿一史

問其國號作者尚目瞪口吃欠申罔別余每誦
僧虔誠子及顏之推家訓汗浹若注閱此則心
聾視肉端在穠瑜羔乳中釀茲沉溺不可痊之
痼疾也益爲悚息廿五日

河祗脯

雞跖集。武夷君食河祗脯。蓋薨魚也。廿七夜。楫
工享河伯。獨此登豆。視他麤饌。雄嚼固間矣。篝
燈炯然。雪光如曙。目不交睫者。竟夜起而書此。
江流激活。炤雪杲。夜聽蘆笙。蠻吹蚤。黃頭酌醴。
焚枯魚。銅斗擊拜。浪婆惱。高舳大舸。載日南火。
齊木難出此道。我獨何辜。邁斯人。脉望一編窮
年計。起視河房。燈影微。雙射。杙。眠。光。檣。桡。馬。凍。

蜩縮齧芻鳴。被池寒生憂如擣。精靈想像遇龍威。
刻舟難求市瓜好。長安死骨黃金多。燕昭賺得郭隗老。

甲午元日

甲午元日大雪。江船清好。開篷如畫。寵瓶凍枝。
跚跚頽發。偶刑隄廩。拈此不求工也。枯風吹阜。
葉寒色落。江嚴鷗吻。朝留佩浮圖。夜合尖清狂。
炙玉版。凍洛響晶簾。重把敷于酒。澆梅賀髮添。
萬壑風雲變。寒光照鰐鰓。俛冠聊佞佛。拜手願
空男。凍老梅堪嗅。辛茶椒共參。扁舟容易醉。一
卷自咿喃。

註詩

楊用修病須溪尊李杜而卑文選曰詩至文選
爲一厄不知須溪正悼夫漢魏勃宰齊梁雕緝
去三百篇愈遠愈漓尊李杜者當六代顏波之
餘高視濶步齊盟狎主世數推遷評陟亦因爲
流轉譬揖遜不得不征誅征誅不得不戰伐可
曰漢唐宋非代也而必義軒神明裔之固矣用
修又曰杜陵詩得似廬山路真隨惠遠遊千家

註不引廬山石刻爲盲，余謂詩何須註，三百篇
昆蟲卉木，星官方言，須註何限？卜商毛萇，意詮
節解，期不贅刪，述聖經足已。近代作者，遇險僻
輒亦洞記，曾亦思爵里名號，山川風土，宮觀臺
池，車服器飾，與古殊者，不得不蛇足啓感。兩漢
六朝三唐宋元，掇華摘藻，奩子納枰，着者遇知
已，自爲高下。若一一須詮，天下而盡盲焉，則可
不爾。黑漆桶中，幾得龍華三會時也。然用修引

證殊不惡。余師雪堂跋丹鉛錄。新都博學自服。開卷引王融故事。胡應麟輒取王筠傳證其以元禮爲元長。落筆便錯。至晦伯正楊。則幾于兩家聚訟矣。始知多聞缺疑。自是讀書法。何用抵死與古人磨牙。每爲三復。初三日甲午。

饋粟

初五日張晉叔饋粟二秉。晉叔家枕塘，離行舟二十里。竹塍往酬，時殘雪在林，飄風刮耳。因思前人乞食作詩，乞米書帖，此何等韻事。而古今賢不肖，追和臨搨，秘爲嗜蔗，然以視黃綾被底，努嘴放衙，真霄漢之與糞穢矣。書以志感，層陰積玄阿之子，何所涉道。廣俗難週，餘生恥彈鋏。故人哀我饑，廩粟遵時餼。感恩前致辭，未語頽。

浮。頰。東。隣。侈。匏。絃。殺。羔。佑。鼎。燮。憑。軒。豈。不。腴。撲。
滿。在。眉。睫。

王抑菴

王文端抑菴。余弱冠中。獲瞻其遺像于裔孫家。重頤方頰。魁岸軒頤。統均十八載。家居僅蔽風雨。釋褐時。自請讀中秘書。易儲大節。史冊烺如。聞典選。每不如意。輒誦古人詩。一給舍新除。招賄撓選。公吟曰。偶然題作木居士。便有亡窮求福人。一侍從臚進退不當。公又吟曰。若教鮑老當筵舞。更覺郎當舞袖長。通簡冲懿。真古大臣。

風而孤樹哀談。据摠其最愛東園一唱。便謂公
耄年尚不樂恬退。何誣甚也。人日訪楊弱生于
斌姥。途次偶爲書此。

花石潭

初九日庚子步自花石潭訪曾茂林岸不數武
路覆荒苔石衾衰艸潭水悠悠思與俱來趺坐
高吟牧犢奴群噓而怪空矣野航亡旦莫一葦
任紆徐遵渚陟前曲微暄上衣裾叢薄扶棘立
蕭蕭牧犢廬藉草衾苔滑惜寒倩籊籊僵蠅摩
饑鵲邈焉欣托居斬蘆結駟馬确犖樗與樗仙
人王子喬交火費菑畲緬懷滔滔水圓首對蒼

方竹樓

卷十七

留髮堂

輿

李易安

宋德祁洽麗華區。家擅卿嫺鬪藻腴。茗椀松風
香閣裏。偃波金錯出中厨。春繭獨幅鶯兒滑。清
思芳艸王孫俱。很高日。暈汴雲黑。車塵不載金
石驅。綠肥紅瘦人知否。曉蕩輕衫照眼孤。涉世
良難心獨耿。相逢依舊怨蘼蕪。狂劣如斯何足
道。零落當年打馬圖。曩余誦金石錄先後序詩
也。易安事趙明誠。稱絃瑟友。著漱玉集。末路晚

節庸材匪類。愧悔若斯。然萬世下知公子而泯
狂且。隴西之慙。易安何負焉。余獨怪夫後來居
貞者多黃馘而委項也。悲哉。十三日甲辰。

瀧江口

十八日泊瀧江口。江本名盧。徑二百里。綜滙群
流。與章貢合。正嘉以前。魁翰耆碩。踵接趾錯。故
里中和。抑冲退。率多長者。內闢益曠。衍盤互。山
川秀鬱。澄地插天。稼圃絃誦。籬壁間聲。口相屬。
以是人稱壽考。而幼鮮短札。不必潭引甘菊泉。
雜丹砂也。戊巳紛紜。陳師鞠旅。廬舍旣墟。溝塍
亦潰。余顛沛瀾漓。八載還山。戢壑實慙。猿鳥放

舟溯洞。又遠不及千尋。古人酌水尚不忘本。緬
維丘梓。能不悲懷。系之以詩。薄日烘鬢。絲千峰。
翠欲徙睇。遠遵前川。游魚行鏡。美潭影照空。肥。
驚回宿鷺起。沙磧蕩。苦師橫。纏足鮮。旨。溯流擬。
剡溪。昔賢叢嘉止。盍簪重明時。軒翔道不詭。風。
衰響益微。幽潯集鹿豕。終滯買山錢。微音嗣遺。
履。

平園

平園爲余郡益國別墅。崇岡唼沼。枕城東陲。荒
忽幻遷。代湮末本。余總角時。曾棲其地。見黃橘
朱柑。市圃分培。名藍精舍。法幢高擁。今且刺藤
深窈。瓴甌傾欹。人烟佛燈。欹歔。又往事矣。而園
名尚留。參知姓字不衰。公清忠諒直。制詞爾雅。
門下士曾亡疑。有屬之作誌銘曰。某出益國門。
解縷蔥絲。不解作包子。盖當時一士人置婢。自

言是蔡太師廚士促作包子曰我固包子廚中
縷蔥絲者無疑之見憚若此余亟漿東流緬懷
高躅兩絕聊告後之來者當不似余之憤憤學
縷蔥絲也忠清豈必懷吾土爾雅猶能憶舊名
別墅風流尋思盡微茫略記傍東城古寺鐘聲
正寂寥墻高橘柚亦前朝相看惟有凌波水曾
助先生長藥苗廿四日

歸篋

廣南富珠璧孔翠香象貝犀卽清修如陸君亦
尚載鬱林石返余後先七載馬首劍稍料理斬
頭陷胸板幹壁櫓廿六抵邑城省余者發篋笥
得曹鄴之集利瑪竇輿地圖寒暑敝衣數事而
已余亦頰頰亡以復之昔彭淵才游京師十餘
年家素不備饘粥一旦策蹇歸橐中惟李廷珪
墨一螺文與可竹一枝歐陽六一五代史草稿

一束視余不崇侈萬千耶。詩曰。余生事鉛槧。託
志棲高榭。秋汶岷音濯新錦。陋彼天桃鮮。鐔光鵬
鵜老。切玉不逢年。魚餐愧鬻釜。旦饑寫哀絃。宮
商寧復理。所意非陌阡。朝過菁巖下。倒薤足奇
篇。健忘曾作蠹。過食可能仙。稚川亦至侶。薪火
對書然。

米南宮

白太傅詩。欲留所歡。待富貴。富貴不來。所歡去。
蓋傷夫髮絲易星。石火倏然。卽子桓日月逝于
上。體貌衰于下。意。吾輩縱痛自策厲。遲莫逼人。
尊前何處。况三十年中。索瘢搜垢。動爲不知已
者尤乎。米南宮。宋賢者也。潔本性成。坐奉祠齋。
居。洗去祭服。藻火罷。談者輒譏其矯。謂華原郡
王曾驗之。會集客。獨設一榻以待。徵歌接竿。雷

醉狼籍。芾不覺亦裸坐于衆賓之次。又母本產
姬。出入禁闥。未登進士時。曾推母恩補殿侍。又
工臨摹。易書畫。絹素破污。遽加修好。守漣水。嬖
靈璧石。不一而足。宋士大夫好議論彈射。不樂
與人爲怨。若此。昔弋人油炙鴛鴦。有客賦曰。盤
中一箸休嫌瘦。入骨相思定不肥。嗜藻唼蒲。與
世何患。一旦而不免羅者。朶頤之饕。視此則醢
崔烹龜。不獨一桑桐之自貽伊戚矣。二月朔日。

唱渭城

劉伯芻居安邑里巷口。一市餅鄰人早過戶。輒謳歌。伯芻憐之。與萬錢。久之。歌聲寂然。召而讓焉。曰。本領旣大。心計愈麤。不暇唱渭城矣。嗟乎。同姓展親。莫踰天顯。同難相卹。莫急鵲鴒。乃亦有卯翼多年。而鰥脫反噬者。歐公曰。未乾薦福之墨。遽彎射羿之弓。人貌豺肝。營私敗禮。豈直計大心浮。不唱渭城耶。詩以絕之。碧潯千瓣舞。

風宜偶過芳林種一枝。料得根盤綠土沃。不妨
春盡子離離。爰居何事啄味慵。響奏鈞天駭鼓
鐘。葉底孤雛棲枿穩。饑來曾記噪從容。尋常笑
口記牽衣。取次無如諂淚肥。涎鼎未嘗終指墮。
灌園真悔桔槔非。中山擊兔爲霜毫。燼落髭撚
紙半毛。辛苦未酬鸚鵡賦。滿江風雨任波濤。初
六日。

晤非晦

家伯兄非晦。爽朗機秀。不接眸者七載。初睇時。見余丹絲束頂。繡螭蟠胸。語過夜分。心悲而不吐一字也。知爲賦之。客底鬟河久。所思在帶聲。阻兵聊混俗。去國豈爲官。棊曲分徽早。埴聲度夜殘。南枝亦偶興。亡勞涕泗瀾。初十日辛未。

呂元膺

呂元膺留守東都，與處士某奕，適省案牒。處士因私易一子，次日卽以束縑贖之去。如是十年，呂疾篤，顧子姪曰：「遊處宜擇，向守東都時，一處士與吾奕，乘吾亂，私易一子，事固未足介意，然心跡可畏，言畢而逝。律此，則子厚夢得輩幾爲千古一青抹却之小人矣。」子厚初附王叔文，叔文本以奕進，縱狂劣亡底，然唐禍之大，孰有如

宦官典禁兵。謀未終而叔文敗。柳播之竄。兩公
豈真干進媒賂者。湯臨川劉大司成銘曰。當其
未敗時。但意其名正而事成。唐室可與安在。夫
叔文之不可暱就也。真忠厚平反手。若悉如元
膺。一味嚴冷。底死猶不放空。則處士應蹈兩觀
之誅。斯民何所措手足耶。十七日。

江南柳辯

宋德麗中陞。璣散隨群醜。鬱彼江嶽靈。芳蕾發
歐九。秉哲妙淵綸。英仁日肱肘。雅意復先疇。精
心鋤敗莠。瀉泉滄海連。述作瓊與玖。鬼瞶多高
門。單詞吠相狃。庸知兔園餘。狺狺出誰手。其如
經天明。薄蝕何足咎。余曩讀歐公江南柳詞詩
也。公詞有江南柳。葉小未成陰。人爲絲輕那忍
折。鶯憐枝嫩不勝吟。留取待春深。十四五間抱

琵琶尋堂上。簾錢堂下走。恁時相見已留心。何況到如今。詞固麗淫。而詆者曰。張氏年方七歲。正堂下簾錢走時也。按張爲永叔甥。遺孤女歸父家。適公族子晟。晟官宿州。赴郡宴。失舟。訴開封府。蓋晟妾與舟人通。妻欲笞之。舟人先懼而遁。反爲妾所誣。京尹承風旨。令張氏引公以自解。獄上。仁宗大駭。遣中使王昭明監勘。張氏反異。始得白。然猶坐沒張氏奩具買田作歐陽戶。

出知滁州。時劉輝挾省闈見詆之恨，亦賦醉蓬萊詞兼附會者，謂公官河南時曾嬖一妓，錢文僖留守西京，惜其才，屢諷不恤。後修五代史，十國世家及歸田錄多訾毀吳越。錢希白常戒子孫曰：爾輩甚無勘人陰事，賢者爲恩，不肖者爲怨。嗚呼！公豈不肖者耶？忠厚開國如宋，各地位望若歐，毀至尤來，尚煩獄吏。雖云賢者不免，然荆棘崇高，江河淪下，可畏甚矣。廿五日。

印竹秋

卷之三

二十七

留髡堂

劉子羽

金風颯颯動雞旌。狼弧射天。坤維裂。蘆管吹徹。
湓浦秋。千騎蹀躞。孔繡纈。高蹤跋徙向山隈。突。
冷。亡烟燕雀。別空人。蹇蹇牽兒衣。股戰牙酸兩。
袖蓄。盤纓怒馬動地來。三尺鷗鵠如冰雪。命薄。
亡依等鴻毛。笑指寒泉誓凜冽。馮夷亦知懷霜。
威。蝟毛刺臂身未絕。捫蘿躡屣蒙茸中。茹茶食。
艸。渴餐血。四顧淒涼落月蒼。一聲蛩蛩。蘭摧滅。

滄桑淺深尚遷夷。空人膾炙千古烈。弁而冠者
爲何人。崩角塵纓甘自涅。劉空人殉難詩也。空
人適余邑。劉子羽。子羽昔在盧陽。曾屬作是詩。
兼出其疏草求跋。今六載矣。郭命侯復錄以寄
余。并書于左。吾吉在昔有宋。從文信國艱貞嶺
海。爲國討賊。知名之士三十餘人。載在家乘郡
志。文詞雖不少槩見。而並不注宋勲階官次。俎
豆鷺渚。汔四百年。思廟甲申。鬼井狼突。血我宗

社一時樹幟赴義擔簦躡屨。徙倚窮荒。鱗次櫛
比。迹其意大都諛語侈聽。苟歲月博告身厚。希
光顏已耳。求其披輿圖而溯禹功。歷肝膈而奠
周鼎。類皆木鷯楮鵠。飛騫孤舉。未嘗不高。索其
神似。終未敢與斥鴳爭枋榆也。子羽以丙戌艱
關入閩。慨然有澄清天下志。延津告潰。單筇瀕
水。芒屨孤踪。竄始安。竄清湘。竄武攸。竄柳象。竄
朗寧。三年之間。兩足裂膚。歲戊子始得以樞曹

郎。啣命數千里。蹀躞羶幕。返歸嶺表。讀其疏侃。
侃萬言。而猶位不過執戟。以視有宋諸君子。操。
行文章。不更有光乎哉。然亦徒付之空言于事。
何補。玄壇雪浪。桐江烟雨。子羽故墅。舊廬在焉。
當與此卷共爲不朽云。

春郊

初六日丙申同家伯舅非晦郭司訓命侯步自
西城循溪流歷澤宮小憩曾和卿園亭。傍午茗
飲僧舍。時律中姑洗。水泛桃花園。雖荒落不治。
而修桐孤立。垂楊斜舞。竹深蓋雨。石暗迎曛。蕩
思滌襟。莫踰斯者。歸成十韻。微熏蕩。梨雲結菲
中景律。披爽浹幽情。分綠各軒。暱好鳥習商絃。
栗留清且逸。是影下高桐。繁葩萋美日。漢泉石。

即竹杖

卷之二十一

留影堂

底流激活。喧蒙密素。蕊啄緇衿。差池萬竿。出玄
駒亦感時。逐肥上盧橘。瞖目渺玄思。耽閒費評
騖。毘舍廢宅旁。懷茗疏甘泌。新徽不解張。蓄之
期靜壹。

答樊石桐

十三日樊石桐東來蜜蠟。兼訊近日馳射何如。
却寄二絕。羅浮石笋固憎勞。鈇鋤文章亦訓饗。
南下輕舟無那繫。青醅菰頂伴霜螯。千里浮家
笑拙鳩。鬱孤涉夏又兼秋。閉門覓得東籬句。輸
與勦兒射鹿遊。昔馬融與謝伯世書。憤憤愁思
猶不解懷。憶在竹間放狗逐麋。晚秋涉冬大蒼
出籠。黃棘下兔。芼以乾葵。聊送餘日。茲樂而已。

余自桃江放舟汗漫羅閣不飽。決穀而饗亦復
閒却數時故及之。

驥馬啖

風俗通云主情未盡再期沈湎脯鱸椒薑隨唱而供爲驥馬啖三字最奇驥卽顛訓便也余多載戎行偶過丘梓階除昆弟相肅如賓夜半中厨咄嗟可辦人靜酒闌因思曩日分鐙哦古窮愁著書牛衣破涕今雖未離而氣稍逢勃不似向之墨色多忤矣成十二韻別伯舅非晦弟次山人彥姪仍斯九則廿二日憶昔事索墳裋短

衣無褐。鹿藿貼膚完。橡櫟饑猶掇。宵燭秋隕輝。
挾冊分鄰末。各探象罔珠。垂天翔所芟。余也夙
稟孱。射虎不中筈。牽絲十載餘。絡馬徒仰秣。冉
冉白雲悠。願言勞契濶。一朝捧檄歸。宴笑軒眉
豁。臞兔俎雞寒。方塘修尾鱗。紅身住亡聲。檀槽
喧指拈。丽彼正三星。耽詞尚擊鉢。告墓果何年。
方還又祖輶。

墨嘲

劉大簡守雅安，知老蘇曾柬寄韓魏公。歐文忠公及張文定公詞甚切，可稱知己。而子瞻子由集中亡一語及大簡者。老泉集亦僅載其辭，召試一書，不識何解。余謂士固爲知己者用，大簡自不宐敵永叔位望名實，亡力鞭蹇容或脫略有之。然後世猶惜之不衰，近分符者則不爾。兩闌榜花儼然眉睫，遐陬逝耆縛若棘柴，崇賂遺

權錢穀。五雀六燕。縑束低昂。致一牒羈七十日。
不押遣者。先達有言。蠶鹽清夢穩。鐵石古心存。
人生須底物。固若是饑慢弗悛耶。不得不盆思。
劉雅安矣。四月朔日。

別墅

古今士大夫得志輒營別墅。固陶志棲神觴歌
游泳。誠不可一日少者。然往往奪情主組。驅馳
賢勞。金谷蘭亭。僅存墨妙。下則別館閒軒。粉堊
朱藍。惟曉切園丁漫詞。剝蝕風雨而已。李衛公
種竹。日使人報平安。不惟不得見。且不免累其
胸中。縱使亡恙。亦何所補。前人詩。多少朱門鎖
空宅。主人到老未曾歸。語太悲涼。余南嶽山小。

詞。渾。灝。亡。端。結。構。奇。貌。

音墨

形。圖。似。總。支。離。千。回。

坐。起。峰。頭。望。想。見。當。年。燒。劫。時。指。注。神。州。數。點。
烟。秋。清。黛。抹。有。南。天。鏤。空。作。記。屬。何。手。漫。擬。平。
奇。欺。世。賢。曠。矣。初。五。日。

十羽銓

十三日壬申發槎灘晚泊金川舟行盡日感人
事之多紛悼弓繳之難避爰賦燕雀鷗鵲等諸
小詩茲鳥固不食人者自不至爲人所食然或
斃或籠羽澤喉嘆沈茲苞采命耶鷗與燕差遠
弋羅而山海經玄股國人啖鷗晉中興書掘野
鼠蟄燕而食物固有窮時也啄木本亡與貶褒
害桐蠹梓莫此爲甚故列焉訓讒耳梟則不敢

詩社文獻

吾郡詩社文獻。烱灼今古。近日所服膺者。蕭奉
常之精簡。劉詹樞之正則。李司馬之典贍。周宮
詹之雄宕。宮詹曾偕余共事。柳盧松寮。地火得
數十章。以不便策馳。槩洞臍阿死。奉常清羸。終
家寢。春浮一記。歸然靈光。詹樞遭際鼎遷。喀血
草檄。虔服輿觀。人咸悲焉。余屬其門下士。偕園
再經。腸斷累日。司馬蒙難金臺。遵養時晦。枌榆

椽構悉蕩小殄。今猶滯跡邗上。歸來莫賦也孤。
艇劍江。緬維風雅各系一絕。匪敢求工。貴質耳。
宮詹余未涉安城。輓歌又另載別冊。不附以詩。
十五日。蕭奉常金粟堂開舊画廳。茶槍初罷。憶
揚舲。風流彈指誰堪續。一記空餘。頡水經。劉詹
樞。燈火屋梁落燼非。柘黃猶記聖人衣。鬱孤臺
下騎鯨杳。牧雨亭邊艸自肥。李少司馬咸陽千
炬爲秦苛。底事高門亦罹羅。軋落山前凝碧句。

唐風。想象鬱陶。多周諱鼎瀚。起家任子安福人。
蕭諱士瑋。泰和人。丙辰進士。劉諱同升。丁丑魁
天下。李名元鼎。壬戌進士。俱余邑人。

紀事

徐巨源東余弟解經詮史及百家言十九種編纂五種時古文詩共廿七種俱蕩滅于戊子五月望日今稍存者皆友朋收合之餘燼也姑錄賦呈笑開卷未竟杳渺縱橫和澤舒雅真堪壽之名嶽信宿觥集齒及昭代藝文屢朝珍秘爲故老易却殆盡焦漪園僅梓單目幾取口禍又中都陵舊說爲憲賊所戕巨源云光熹先崇蒼

深林久藪博侶旣而鼓鑄鐵冶奸猾薦滋思陵
聰明嚴密守臣擬聞未發也細人懼禍竊勾大
盜乘之遂釀成乙亥二月之變姑誌于此巨源
寓洪崖鄉石門訛者呼爲佗牟云廿七日

禹港五日

五日寓禹港李孺西索詩余復以此地去余牟
三里而遙巨源必不苟是日者某等伎倆合于
亡佛處稱尊大羅天豈神叢容易博處因探韻
得趙國子五言律時童子方治五絲曰何不押
纏字因從之然終不以示巨源也國子詩夏物
殊增悶風光好問天傳盃如隔世蕩槳亦經年
竹醉香先散鶯殘語尚圓何人山鬼意憔悴訴

燈前。余詩戢壑方游。暑驅車不記年。萬竿從爾
醉。一縷任君纏。灼艾心分痛。沈騷學未堅。臬羹
漢代好。東望思茫然。

蟹蘆圖

名賢書畫家數源流定有分曉藏者固宜洞精對者猶切慎墨潘余在賓州見山谷老人與蔣淦書跋題不下十餘家獨王伯安符采精神透穿紙背餘俱佛頭着糞在信豐又見徐文長贗卷中作一蟹一小童放楮鳶一滋蘭傍蘆竹叢生末繪牡丹一株各贅以集中小詩時鈕玄止借閱問曰何如余誦陶士敕蟹蘆圖跋陶穀久

在翰林希大用使同類諷太祖曰穀宣力最多
太祖曰草制類簡前人舊本俗所謂依樣画葫
蘆耳穀大恚題一絕于玉署後使吳越忠懿王
宴之因食蛭蝥忠懿繪其族十餘種以進穀曰
殆所謂一蟹不如一蟹蓋諷忠懿之不錢鏐若
也宴畢進葫蘆羹穀不舉箸忠懿笑曰先王時
庖人善爲此羹今依樣饌來穀大慙故文登呂
亢作此圖然非也呂亢守臨海命工作圖亡葫

蘆當又是一本玄止大爲軒渠計別玄止又經
年矣附錄于此廿日

印竹杖

卷之三

四十二

留髡堂

寄楊弱生

廿八日寄楊弱生。昔祁嘉清貧好學，夜半有人呼窗曰：「祁孔賓，隱去來，修飾人間事，甚苦，不可諧。」所得未毛銖，所喪如山崖。弟頭顱如許，困頓風塵，遠慙古人，近愧吾兄。書不盡言，兩詩道意，并却寄衛兒也。州郡勞人固不可，清華亡路且非才。何如一卷北窗下，閒註魚蟲混草萊。十載從軍髀肉枯，西山爰止又瞻烏。司空表聖真吾

侶誰損餐錢買藥爐。

家求叔

六月初五朱王孫參頭見余叔求公寄落葉賦折簡蓋曩呈余小星正垣者婉麗芊綿。拳幅中揖孝穆而披子山。王孫舊學于小星故得之。因憶余少年時與建侯遊常事飲博先君誠之曰爾伯父惟貞成進士庚戌然角材十不敢求公今求公以窮沮死爾又蕩逸自如余懼門戶早晚衰薄矣不十五年先君亦捐館舍余還自桂

嶠從弟懷祖索叔遺文輒斬而不授嗟乎區宇
豆分瑯琊兄弟因時翔便龍虎之論在昔不免
矧幅夏廓如委蛇道尚文字何仇而回骨肉膜
隔乎懷祖固賢余追慙之甚矣偶憶得二章吉
光片羽秘以自耽爲筆于此寒夜怨崑崙風吹
海國黑繡戶千層堆碧色飛花遙入射綺疏香
輦夜半上林北九光連的鳳膏勻錦瑟瑤鈿氣
煥燼疎桐颯颯生顏色千枝萬葉耀羅裙金箭

滴殘玉漏永。淋漓霜花臺下紫。上殿歡呼影痕
斜。陞楯檻前半欲死。複道須臾鳴玉珂。青蛾皓
齒子夜歌。刁斗曉巡亦照幕。賴得斜光度蕭索。
影帆閣江南春信早。花雨報登臺。一目千帆落。
三山兩岸開。蘼蕪含曉霧。楊柳弄新暎。曲渚疎
鶯轉。歌亭小雁迴。清暉娛謝客。樂事動梁枚。杜
若留湘水。蘭舟泛石杯。孤情何處澹。日日逐潮
來。

叩竹杖

卷之三

四十五

留髡堂

翠巖語錄

古公強力斂事。本色有餘。登壇則未免婢作夫人。昔在邑門。劉亦饒曾出其翠巖錄示余。茲憇盤龍。溽暑蒸嵐。去疑案頭。載探其蹟。輾寄八絕。以示同人。得無嗔野豻妄誕也。十五日。周禮曾聞禍宋家。儒臬骨恨未專車。清涼佛土猶如許。怪得天津叫日斜。欹鐺煮水沸如雲。止火抽薪不待君。四十二章經一卷。蘭臺應悔藏玄文。黃

梅落盡木樨香。焰短燈連慧政長。頴實蒲蘆常
敏樹。筌臺錯認却滄桑。誰續當年說法聲。迦陵
獅吼通驚鳴。却慙擁篲寒巖子。餘潘殘淋乞國
清。名經千佛歎支離。玄晏先生語太奇。錄并熊少宰先
序坐起披圖慙蝨訟。微茫指點倩誰知。灌井誅
茅斲地根等閒鐘鼓。又黃昏無求是處捫心性。
狂殺東籬笑檻猿。盤龍僧勤稼圃錄詩內有晨鐘莫鼓渾無恙誰續當年說
法聲故華嚴藏海尚嫌蕪。批駁朱藍鮮丈夫。及
及之。

第。心。空。誰。是。佛。春。山。夜。雨。兩。模。糊。剗。割。何。常。獨。
子。才。休。文。衣。被。儘。餘。哀。不。知。雒。邑。崧。高。下。曾。似。
有。人。面。壁。來。

別徐巨源

徐巨源餉葛一鹿皮一以詩代柬曰寒暑山中
物絺衣與鹿裘知音方恨晚行色况臨秋寺雨
還能席天風易放舟莫言持贈劣時節見綢繆
卽韻答二首豈是輕離別誰爲念敝裘草堂聞
道晚桂楫喜聲秋雅稱長安屐登臨不羨舟王
孫媿一飯永夜思綢繆不負南州路重爲致葛
裘恥凡衣待旦味冷服先秋岑樾深尊酒沙棠

一葉舟。相思何所寄。珍重復綢繆。十八日。

餉羅翊辰

羅翊辰疎朗爽儻襟懷蘭雪南浦匆匆却寄扇
頭遐哉伊人知余叩須鳩茲也本自不出門饑
來驅人去蒼茫千頃秋白眼看箕踞神州數點
烟已矣成沮洳感君綢繆心膠角驚啼曙離別
何須矜所期在借箸廿四日

三十二韻

遜齋閒覽宋張子野擅詞名景文奇其才遣將
命者曰尚書欲見雲破月來花弄影郎中子野
屏後呼曰得非紅杏枝頭春意闌尚書耶遂出
置酒盡歡去又古今詩話載張初謁歐公迎謂
曰好雲破月來花弄影恨相見之晚余師雪堂
先生清貞通敏冠絕一時集蓼堂握手淋漓咨
嗟拊膺扼腕又十倍歐宋以是知古今賢人相

去不遠。成三十二韻。匪誌宴私。斯文未墜。大雅
攸歸。詞不盡懷。託之篇什。云爾。憶昔生民初。冲
簡事恬漠。俗淺物不勞。至理常垂泊。中古慎軒
裳。斧藻泄渾噩。文繁道益微。天心費圖度。所以
代騰賢。彌彪續秉鐸。峩峩匡山靈。孔耀鬱旁礴。
孫支秀厭原。華滋彌景灼。龍豹偉標儀。夙根富
墳索。探賸陋荆吳。岷峨溯禹鑿。穀滿玉除鳴。金
斗屈尺蠖。牧圉壯江淮。封勲分主爵。尺卷藤花

開清穆。藹藜閣。西京攬輝翔。振衣卑華削。圭潔
忌琤琮。涕豪旋歸壑。集思方擬玄。王庭重蹇謬。
一籌未杼邊。龜鼎淪泗洛。扳髯號先同。蜂豺遽
隕穉。大命渙纁綸。抗疏甘瓠落。東湖美蕨芹。青
熒白版堊。朱藍炤睚肥。騷屑永述作。顧俊起田
間。震旄來五珏。咨爾在陪卿。貳銓領魚鑰。裴馬
注盆新。蓼荼又南屨。含凄漱瘠餘。素笈賓瑤錯。
余也自遐陬。微熄擬螢燭。翰短借豐毛。駭絃驚

入幕咨嗟載漪連。渺焉孤懷託漳海。固喬皇虞
山亦燐焯太羹誰爲調。芍桂齊醴酪先生風徽
凝秋漢。濯長嶠百世期在茲。懦頑欣鼓橐。令德
願蠱崇。子光墳五嶽廿九日。

嶺西家書

初七日寄嶺西家書。倦飛猶是不棲鴉。日迴南
天又莫笳。桃館春風悲別扇。津塗夜月怨歸槎。
華裾疊漬千行淚。錦字重題萬里葩。記得湘灘
岩畔路。合歡含嘯幾枝花。